



Broj: 05-04-20-4108-4/22
Datum: 25.10.2022. godine

Na osnovu čl. 70. i 72. stav (3) tačka a) Zakona o javnim nabavkama („Službeni glasnik BiH“, br. 39/14 i 59/22) i člana 42. Statuta Općine Maglaj („Službene novine općine Maglaj“, br. 8/07, 3/08 i 6/08), u postupku javne nabavke „Sanacija poplavama i klizištima oštećenog puta Liješnica-Fojnica“, Općinski načelnik donosi

ODLUKU

o dodjeli ugovora drugorangiranom ponuđaču

I

Ugovor o izvođenju radova na sanaciji poplavama i klizištima oštećenog puta Liješnica-Fojnica dodjeljuje se drugorangiranom ponuđaču „Hajdić“ d.o.o. Maglaj, sa ponudenom cijenom od 92.832,57 KM bez PDV-a, odnosno 108.614,10 KM sa uračunatim PDV-om, a nakon što najpovoljniji ponuđač nije, u ostavljenom roku, dostavio dokumentaciju traženu tenderskom dokumentacijom kao preduslov za zaključenje ugovora.

II

Ovom odlukom stavlja se van snage Odluka o izboru najpovoljnijeg ponuđača, broj 05-04-20-4108-3/22 od 19.09.2022. godine, kojom se predmetni ugovor dodjeljuje ponuđaču „Komgrad-Ze“ d.o.o. Zenica.

III

Ponuđač iz tačke I dužan je, u roku od pet dana od dana zaprimanja ove odluke, dostaviti dokaze koji su tenderskom dokumentacijom i Zakonom o javnim nabavkama utvrđeni kao dokazi koje je obavezan dostaviti izabrani ponuđač.

IV

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

V

Ova odluka dostavlja se svim ponuđačima koji su učestvovali u postupku javne nabavke i ima se objaviti na web stranici Općine Maglaj.

Obrazloženje

Odlukom o pokretanju postupka, broj 05-04-20-4108/22 od 23.08.2022. godine, pokrenut je postupak javne nabavke „Sanacija poplavama i klizištima oštećenog puta Liješnica-Fojnica“, otvoreni postupak. Predmetna javna nabavka objavljena je na Portalu javnih nabavki, obavještenje o nabavci broj 1140-1-3-94-3-42/22 od 24.08.2022. godine. Kriterij za dodjelu ugovora je najniža cijena.

Nakon donošenja odluke o izboru najpovoljnijeg ponuđača, ista je dostavljena svim ponuđačima koji su učestvovali u postupku, uz zapisnik o pregledu i ocjeni ponuda. Predmetnom odlukom izabrani ponuđač je pozvan da u roku od pet dana od dana njenog zaprimanja dostavi originale kvalifikacione dokumentacije, u skladu sa odredbama tenderske dokumentacije Izabrani ponuđač „Komgrad-Ze“ d.o.o. Zenica je odluku zaprimio dana 19.09.2022. godine, međutim, propustio je blagovremeno dostaviti traženu dokumentaciju.

Dana 28.09.2022. godine ponuđač „Geo-put“ d.o.o. Maglaj izjavio je žalbu na odluku o izboru najpovoljnijeg ponuđača u ovom postupku, te je predmet, u skladu sa odredbom člana 100. stav (5) Zakona o javnim nabavkama upućen Uredu za razmatranje žalbi na nadležno postupanje. Dana 24.10.2022. godine ugovorni organ je zaprimio Zaključak Ureda za razmatranje žalbi, broj JN2-03-07-1-2715-7/22 od 20.10.2022. godine, kojim je žalba „Geo-put“ d.o.o. Maglaj odbačena kao neuredna. Po prijemu Zaključka, ugovorni organ je nastavio sa predmetnim postupkom.

Cijeneći činjenice da izabrani ponuđač u predviđenom roku nije dostavio dokumentaciju koju je bio dužan dostaviti u skladu sa odlukom o izboru, ugovorni organ je postupio u skladu sa članom 72. stav (2) tačka a) Zakona o javnim nabavkama i ugovor o sanaciji poplavama i klizištima oštećenog puta Liješnica-Fojnica dodijelio drugorangiranom ponuđaču, kako je i navedeno u dispozitivu ove odluke.

POUKA O PRAVNOM LIJEKU

Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od 10 (deset) dana od dana prijema odluke.

DOSTAVLJENO:

1. Ponuđačima – putem maila
2. Služba za urbanizam, geodetske i imovinsko-pravne poslove
3. Web stranica
4. a/a



OPĆINSKI NAČELNIK
Mirsad Mahmutagić